

原书缺页

原书缺页

世宗人史編輯國朝獻徵錄卷之六十目錄

都察院七

巡撫

周忱

李賢

鄒吳

王大用

李濬

羅亨信

鄒來學

孫曰良

宋傑

彭誼

雷復

夏埏

婁良

盛順

馬馴

唐珣

謝士元

王暹

趙文博

唐胄

張津

丁璿

盧睿

馬謹

芮釗

汪浩

畢亨

楊璿

李浩

孫洪

魯能

唐瑜

劉潺

馮俊

獻徵錄卷之六十目錄

一

孫仁
張壽

王壽

焦太史編輯國朝獻徵錄卷之六十

都察院七

巡撫

資政大夫工部尚書諡文襄周公忱傳

彭韶

公諱忱字恂如江西吉水人永樂甲申進士時選庶吉士二十八人應二十八宿入翰林讀書公亦乞與加二十九人授刑部主事預修五經大全諸書陞員外郎北京新建太倉令公督運南北畿郡之賦洪熙時遷趙府長史宣德五年擢工部右侍郎巡撫南直隸初蘇州府稅糧負欠六七年約七百九十餘萬石常松亦然公至詢問父老皆云蘇松舊俗大戶不出加耗致小戶連累公乃使大小戶一例加耗官降斛斗久失糧長往往私造太大小商公奏行南京工部鑄造鐵斛發屬縣依造木斛較勘烙印給與糧長收聚於是出入均平始糧長每區設正副三名每歲七月赴南京戶部關領勘合及糧完又皆親齎奏繳往往動經半年率多科斂盤費公每區留正副二名輪流赴京領回勘合糧完送赴有司差人類繳甚爲省便蘇州糧額二百九十餘萬石宣德間詔官田一斗

至二斗以上者減十分之二三斗以上減十分之三

戶部移文止減抄沒官田古額不准減除公又同知

府况鍾奏言洪武永樂間抄沒官田人力猶可以勝

其所不勝者正在古額官田乃減八十餘萬石舊例

不許團局收糧糧長家自徵收公曰此負欠之由也

遂令各縣於水次置團編團或四五區或六七區總

聚一處推行止糧長一人總之名曰總收所收者有

六七萬石或十數萬石定與加耗總徵平米上團每

團設糧頭團戶各一名管收千石或六百石置立撥

運文簿支撥起運加耗者正糧一石收平米一石七

斗候起運時酌量支撥如京通等倉以次定支石數

不等置立綱運文簿聽其擇淺等項費用填註回銷

若支撥羨餘存積在倉號曰餘米次年餘多則令加

六徵收又次年益多止令加五除依前撥運外有附

餘乃令各縣造倉一所名曰濟農將逾年撥運利米

運入以備賑濟或農民缺食及運夫遭風被盜若賑

給借納秋成抵斗還官修築圩岸開挑河道入夫開

納口糧秋成不還其賑卹農民每歲插蒔之際於中

下二等戶內驗其種田多寡每家給與二石或三石

一齊給之秋成隨糧還官若遇凶歲則再賑之奸頑

不還者有司記名不復給借往時裏河運糧軍民利
半軍則官爲打造淺船分長短中三運長運於淮安
常盈倉中運於徐州廣運倉短運於臨清廣積倉支
米一尖一平下船民則自行雇船裝運正糧一石該
平米二石又船錢一石經年往返多失晨月公乃與
平江伯陳瑄議奏軍民令於淮安瓜州等處水次對
船交兌令衛所出給通關付還銷繳在淮安正糧一
石兌與平米一石五斗瓜州兌與平米一石五斗五
升各處并南京衛所運糧官軍未曾過江者聽於蘇
松常鎮等府縣交兌加與過江船錢米二斗豐年米
賤兌與加七五升凶年米賈兌與加六五升視墊產
常折米五合方兌船在江或遭風患公又令州縣支
糶餘米益倉二十餘版於瓜州江畔遇到船糧搬入
收貯鹽法交兌畢日重支餘米雇入看守民間馬草
每年運赴南京上納若北京每包草一千束該用五
百料船一隻八夫十五名草束在船十壞六七所費
不貲公奏於通州草場設立官庫每束折收白銀三
分一千束止用三十兩若南京則輕齎赴彼買納人
皆稱便又北京文武職官俸糧皆領票於南京戶部
開支當米賤時一兩可買粟米七八石公因會議奏

准折收金花銀兩納官每兩准米四石解運京庫支
收折支京官俸糧其嘉定崑山等處折納官布每疋
准正糧一石舊例驗收三斤糧解領布到官率因紗
纍千退八九公知之奏稱布疋斤重紗纍其價反賤
紗細布輕其價乃高乞不拘斤重務在長闊如式兩
頭織造色紗以防盜剪之弊從之各處走過馬匹及
鋪陳等件死損多被馬頭科逼民財買補歲無虛日
公又創法每田一畝收米一升九合隨糧帶納另版
收貯遇有死損驗馬上中下價直給米備用馬頭科
斂之患遂悉正統初淮揚地方被災鹽課虧久公奉
詔巡視乃奏令蘇州等府將撥剩餘米每縣量撥一
二萬石運赴揚州各鹽場收貯照數出給通關准作
下年預納秋糧其米在項聽令電戶將私鹽於附近
場分上納即照時價給還糧米食用於時米貴鹽賤
官得鹽課積聚民得食米安生上下賴之八年大水
爲諸郡患公預奏量留官糧一二十萬石賑濟其年
各處低圩岸陸俱被衝圯時水利等官先已裁革公
奏取曾經任過辦事官查核一二十員准其歷俸年
月管修田疇開塞河道畢日送回吏部未半載事完
俱復舊十四年邊事緊急工部移文成造盛甲腰刀

撤袋以數百萬計其盜俱要水磨明亮公取餘米依
 數成造且計水磨明益非遲歲月不可暫令罷錫以
 副急用處事周而敏多類此公在南圻凡二十二年
 由右侍郎轉左侍郎進戶部尚書改工部乃致仕兩
 遭喪皆起復視事上任既專公又盡心於職為人謙
 恭不立崖岸言若不出口謀慮深長善采衆論征輸
 皆有常度貢賦未嘗稽欠且有贏餘遇屬郡有荒歉
 即以便宜從事撥餘米以補不足之數凡官府織造
 供應軍需之類盡出於所積餘米盡民賦歲一石五
 斗之外漠然不見他役之及已而官府無復科率之
 秋徵錄 卷之六十一
 授諸縣學校先賢祠各郡橋梁河道多所修葺浚治
 一切取諸餘米人爭爲立生祠沒因以祀之年七十
 三諡文襄其後戶部言濟農餘米失於稽考奏遣曹
 屬盡括歸之官於是徵需難然通貢自若人益思公
 焉贊曰學博而遠禮和而恭茂著才猷爰作司空撫
 綏南服國計以豐民無移粟歲不知凶惇大成裕沛
 乎有容沒而尸祝人仰休風二十八宿孰能有公
 周文襄公傳
 周文襄公忱字忱和吉水人永樂甲申進士 上方
 簡意文學選曾榮等二十八人讀書文淵閣忱自列

願與三十八人之數 上覽其奏大喜曰有志之士
 也增公爲二十九人 宣皇帝時遷工部侍郎會蘇
 松列郡通賦至數十餘萬以公巡撫南直隸公至詢
 於民具言風弊於是均加耗較斛量奏減糧長正副
 定爲領繳勘合之法民便之會 詔減官田賦戶部
 獨減抄沒官田不准除古額公奏減八十餘萬石先
 是糧長人自徵收不團局公曰此遺負之繇也公令
 水次置囤准糧長一人總之曰總收每歲通計各戶
 之夏秋稅及加耗則例 註由帖而戶給之戶自諸
 帖赴倉不經里胥囤設糧頭囤戶各一人主之使相
 察糧長惟職催併官爲監守立撥運文簿支撥起
 運加耗者正糧一石收平米一石七斗如京通等倉
 正米一石支三石臨淮南京等倉以次遞減置綱運
 簿聽註博淺等費回銷其支撥之羨餘者曰餘米次
 年餘多減耗加六又次年益多加五猶存附餘令縣
 置一倉貯之名曰濟農以備賑或農乏食及運夫之
 遭風盜者則賑之故事軍民分運其長運者往返踰
 歲農多失業公乃議奏對船交兌又民間運馬草北
 京者所費不貲而草多敗爛公奏請折銀南京輕濟
 買納省費爲倍北京公候祿米例輸南京使自來受

公曰彼能於南京關支獨不可就支三郡乎遂得減
耗米六十萬北京文武俸帖於南京賣者苦大賤每
銀兩可得米七八石公奏請折收金花銀每兩准米
四石以給官俸正統初淮揚被災鹽課大耗奉 詔
巡視奏令三郡餘米運赴各鹽場准明年秋稅聽寬
戶以鹽易米官得鹽課民食米上下交便之有 詔
練繪官殿計用牛膠萬餘斤遣官齎勅督辦時公方
赴京遇諸室勅使請還治公言第行自有處至京言
京庫所貯皮張歲久朽腐請出煎膠應用歸卽撥餘
米買皮上供以新易舊誠兩便從之十四年兵部索
蘇徵錄 卷之六十 七 吳山館

亦極重之進其地者無虛日人人得其所欲蓋民
賦之外漠然不見他役之及官府無復科索之擾
不樂業人爭立生祠祀之諸所建明皆爲永例繼公
者數欲更之而不能也後戶部言餘米失稽考遣使
盡括歸官由是徵需雜出通負如故人益思公初公
至蘇松所屬大饑米價翔貴公遣人四出察米價高
下江浙湖廣方大熟乃令人橐金至其地故抑其直
而勿糴且給言吳中米價高甚由是江浙湖廣大賈
皆販米趨吳中數百艘一時俱集公知四方米已至
下令發官廩米盡出之以貸民城中米價驟減而四
蘇徵錄 卷之六十 八 吳山館

方米賈乃亦賤糴所至延問父老利病興革或微行
輿田夫野老雜處談時事其丈量崑山田疇馬獨行
人不知爲巡撫也有善謀者雖卑官賤吏破去崖岸
開心訪納夜寤則籌度政務有所得輒起書之簡旦
日卽施行之運船有侵匿乃以遭風告公公言是日
無風其人大駭服久之乃知公令金焦山寺僧日具
風水以報其僧皆有資給爲盡力其周詳多此類尤
善記憶吏於糧稅有所欺隱明日某年撥某處若干
某年存留若干以稽驗之果然吏驚服以爲神公字
量恢弘才識通敏練達精密雖古劉晏韓滉幾無以

蠲之其最善者在不執已見務集眾思故所建立皆審計利害可施之永久而又身受知眷遇三楊當國夏忠靖在戶部故得久於其任言無不從以展布所蘊云

文襄公爲侍郎巡撫十九年爲尚書巡撫又二年百姓不知有凶荒朝廷不知有缺乏或問其故曰當時濟農倉米常數十萬一遇水旱便奏開免糧奏上無不准所免之數卽以濟農倉補完所以民不知凶荒朝廷不知有缺乏也問當何處得此米曰此有二項一奏改南京公侯祿米於各府支關松江省下

獻徵錄

卷之六十

九

吳山館

令其人赴各府就支石與船買米一斗計所餘石五斗總得米十五萬石又遵朝廷勸分之令於秋糧帶徵得米六萬石歲積米共二十一萬石賑濟補災及糧運虧損悉於此出乃知所謂百姓不知有凶荒朝廷不知有缺乏者誠不知也今文武祿米折徵銀解京已非舊法以石六斗之米而易銀七錢所餘似亦不少況勸借六萬之數每歲帶徵未嘗少減於昔則名雖沒而實猶存也又况得業蕩米歲有增加由六十文鈔而爲米三升由三升而爲五升二合有六勺至六升召佃官租二斗者爲二斗九升三斗

獻徵錄

卷之六十

十

吳山館

者爲三斗九升矣則歲入所增又不知當幾何也而問之典守率皆茫然不知有知而不言有能稽見此數歲積於倉則近時君子所以勞心焦思朝慮夕畫使人承奉不暇而實無分寸於民者可一洗而空之嗚呼吾安得親見斯人哉

顧東江遺記

濟農倉積米之多近日士大夫皆不信予以所記二事明之成化戊戌歲諸販皆滿餘米無可着處以七萬石寄積於水次西倉先君可開公以老人選差監守自戊戌至丁未凡十年始得放開蓋所積既多挨陳放支次第不及故也此事予所目見嘉靖甲申操

江伍於月都憲送歷至松威舊賦詩有米粟陳陳歲
四億之句予見而問之曰評峯成數其實三十七萬
幾千石益公嘗以常州推府承檄盤倉見此聞今空
乏故作此詩也予所兄今四十有七年日月頗遠伍
公盤糧在弘治壬戌方二十三年爾此言如質之伍
公亦弗信也 錄東江雜記

獻徵錄

卷之六十

十一

都察院右都御史王暹傳

實錄

都察院右都御史王暹字景陽浙江山陰人永樂戊
戌進士改庶吉士授刑部主事遷員外郎歷河南山
東陝西三按察司副使進右布政使丁母憂奪情復
職正德己巳虜犯京師召至擢都察院右副都御史
巡撫順天等府地方久之巡撫河南湖廣及修築河
灣轉左副都御史撫安流民陞右都御史考察河南
勅廣官吏時兵荒之餘民無以爲生暹所至輒賑其
驚疑艱苦之狀乞罷年例買辦及減租稅民頗賴焉
後以精力衰憊乞罷歸吏科劾其委靡不振清譽無
獻徵錄 卷之六十
聞詔令致仕天順八年八月卒年七十計開賜祭葬
如例暹爲人平易寡欲不事表裏居官孜孜盡心所
事所至雖無赫赫名然不失爲君子子綏以蔭爲國
子生今官楚府長史

資德大夫都察院右副都御史王公暹墓表

姚夢

上嗣服之初軫念老臣致仕家食者詔特進階一級
於是資德大夫都察院致仕右都御史山陰王公獲
進一品階居無何以疾卒正寢事聞 上憫悼特遣
官諭祭公諱暹字景陽別號慎菴宋魏國文正公十

三世孫其居山陰自貞齋扈思陟南渡始曾祖均

元紹興路令史祖大本考振宗並贈正奉大夫正治

鄉陝西布政使司右布政使祖妣胡氏妣倪氏俱夫

人皆以公貴故公自幼穎敏讀書一目數行俱下由

邑庠領永樂甲午鄉薦登戊戌進士第爲翰林庶吉

士進元夕詩獲寶楮之賜授刑部主事卓有能譽陞

員外郎兩受勅誥之封並及其親用大臣薦擢河南

按察司副使丁父憂服闋調山東隨調陝西專督糧

儲有勞陞布政使司右布政使綜理繁劇庶務克熙

奉勅勸濟得米一百五十餘萬石歲用不歉立范文

獻徵錄 卷之六十 十 吳山館

正公祠於延安民禱雨輒應咸感公欲立碑紀其德

公禁止之丁母憂去任吏民請留 上遣官邀諸途

奪情復任九載秩滿應遷進朝論難其代俾守原職

以慰陝民賜誥命加贈三代同其官正統乙巳胡馬

飲蘆溝京師戒嚴 上收用老成人以護根本驛召

公還陞都察院右副都御史守正陽門嚴飭備禦虜

不敢近時遠邇軍民驚散聚城下嗷嗷待斃公啓西

直門悉放入賴以存活者萬計尋勅公安撫順天等

府及鎮守天壽山陵築立城堡統軍剿賊遂奏罷被

賊郡縣歲課物料民安之勅公巡撫河南湖廣兼修

葉沙灣悉聽便宜行事保定張普山以妖言煽衆於

陳州公發兵擒普山誅之事遂定奏修河用工次第

宜自黑洋山抵蕭縣每十里置鋪專人提督修治仍

乞減免濟南兗州科差以慰民困未幾陞右副都御

史公奏開封等府水災其遠年糧草乞量派別州縣

運納又奏順天山西山東等處復業流民宜令有司

撫卹寬免糧差又奉勅考察河南湖廣鳳陽官員去

留惟允又奉勅賑濟河南徐州饑民因奏開封等府

州縣災傷五十一處乞蠲該年夏稅之半凡所奏

上皆從之公慮黃河水勢漸及汴城築堤四十餘里

獻徵錄 卷之六十 十四 吳山館

揮其外城用不溺公年幾六十以災異上疏自劾乞

罷歸田里情懇甚 上慨然許之陞辭蒙燕勞遂行

已而河南官民交章乞留公已去矣既致仕杜門謝

客優游林泉十餘年而沒享年七十所著有慎菴集

四十卷奏議二十卷藏於家公爲人剛直不苟居官

孜孜政務遇事敢爲不徇於私利不撓於權勢人敬

畏之坐是亦爲人所忌上賴朝廷委任不疑而公亦

能隨分自效確不爲所動故其所立事業赫然于時

又能以禮自將急流勇退非有所養能然哉

右都御史合陽李公實傳

何梯

公名實字孟誠姓李氏別號虛菴先世居江西武陵高祖印十郎元時以儒起家官潼川路同知曾祖友政始來居合州樂善坊因占籍焉祖永恭父祥皆以公貴贈封資善大夫都察院右都御史祖母史氏母柯氏俱贈封夫人初柯夫人夢巨蛇繞身既而誕公適五月二十日俗以是日爲龍會因以命公小字公狀貌豐偉年習武高明弱冠時曾商遊江南歸途舟敗幾危遂奮業儒術爲郡庠弟子員穎敏之資博洽之學環奇之文爲一時流輩所推正統辛酉以詩經領獻徵錄

卷之六十一

十五

史山

難衆然請行上悅陞公禮部右侍郎克瓦刺正使大理寺少卿羅綺副之公具奏八事皆與虜所當議者上覽之曰事難預度卿至彼隨機應變處之七月一日陞辭面受詔勅賜白金文綺及一品服從一十六人經榆河驛居庸關懷來衛六日過狼山次土木蓋我師失利處再進歷赤城炮帽山獨石開平沙城小黃河九十九海子屢逢虜騎衝斥公語以我天朝使者毋得妄動虜下馬羅拜因爲前導十一日抵也先營相見以賓主禮責以大義氣壯詞直虜酋悅服具乳酪禮甚恭許奉鑒輿南還次日朝見英宗獻徵錄

卷之六十二

十六

史山

行在所面定回鑒之計領書辭歸奏撫奉迎勅再使往還備嘗艱險英宗還都朝廷嘉公勞績進資善大夫都察院右都御史巡撫湖廣賜誥以公所居官贈封三代苗寇爲患以兵勦之氓王謀爲不軌擒送京師除兇暴安善良恩威並行政化大洽五年甲戌詔還掌院事風裁凜然六年乙亥春母柯夫人歿守制英宗復辟有忌公者讒之免官家居天順癸未鄉人有訟公於朝者逮繫錦衣衛獄時衛使門達擅權作威福事忌公威名且入千戶侯爵之譜將不利於公一日英宗坐便殿召達令問公有何言達覆

奏以公云其所言者非臣下所得聞必而陳乃可

英宗挽首泣下因不豫而入達退而懼不敢加害後數日英宗登遐憲宗嗣統廉知公無恙給還所沒家貲令冠帶間住甫抵家而父歿將葬陰雨連旬公默禱至葬日開霽既葬復如初人以為忠孝所感成化八年壬辰驛詔起闕江於言者復職致仕優游田里幾三十年以山水文籍自娛二十一年乙巳八月二十七日卒距生永樂癸巳得年七十有三計開遣官造墳布政司諭祭恩禮備至云

贊曰士生兩間能建立事功者一曰識見二曰才能

獻徵錄

卷之六十

十七

晏山館

三曰氣節非識見無以燭大機非才能無以當大任非氣節無以處大變公也兼而有之所以為賢諫官為良使臣為明執法隨用而效聲績炳然或以其使北事方之富鄭公乎以為鄭公當兩國和平之時而公適逢天地反覆之際時勢難易必有能辭之者嗚呼若公者其亦豪傑之士乎哉

都御史趙公文博行狀

王雲鳳

都御史趙公山西代州人諱文博字子約景泰甲戌進士除監察御史謫陝西淳化令遷守衛輝調鞏昌陝西布政司右叅政山東布政使左布政使都察院右副都御史祖諱思明父諱忠河南桐鄉令俱贈右副都御史祖妣妣俱贈淑人公為御史按河南南畿有聲景泰丙子偕同列糾奏忠國公石亨罪英廟親訊於別殿下錦衣獄值雷雨之變始得釋謫官以去後亨事敗上悟糾奏者非妄詔吏部簡拔公遂守衛輝時境內久旱公禱於神而得雨新孔子廟及

獻徵錄

卷之六十

十八

晏山館

諸生館舍民莫知費所出地瀕河舊有舟六特供藩臬意所遣公疏罷之藩臬有欲中以禍者公又疏聞朝廷遣官覈之直公改臨洮臨洮維戎號難治公治之如衛輝以薦改鞏昌務殷通稅積多公至期月而治如在臨洮特為叅政西戎為寇奉檄督軍竟以捷報為都御史巡撫河南歲凶民艱食公賑貸有方民忘其饑陝西流民率聞風來歸公瘁躬竭思以居以哺民忘其流千戶席英與其黨為盜京城懼事覺乃書甲以行都人莫敢攫肆掠於所過地武臣以詔提兵數千躡其後南走千餘里亦莫敢迫至河公以計

擒之概送京師以有文綺之賜成化丁未罷歸遂
不復起家居十一年弘治丁巳卒年七十有三

資善大夫都察院右都御史鄧公吳墓志銘

康海

公諱吳字木大其行之後也蓋有仕宋者隨高

宗南渡居句容鄉曾祖保保祖武二十三年解

馬長於寧夏不第從馬姓娶鈕氏生公顯豫

娶周氏生公文俊俊先娶劉氏生二子矣劉氏卒俊

鰥居不娶有相上謂曰君之相晚當生貴子於是鄉

人力勸俊娶乃繼娶楊氏生公公幼與羣兒戲端坐

高踞指示方略觀勝負以為樂長者異之十六喪父

家道沒哀公儲書供母見于戶者優禮秀才奮然曰

獻徵錄卷之六十一

秀才亦人爾我吳弗若彼哉於是從周生折節讀書

顧家貧夜無燈油乃就廟中燈讀之周生言於巡撫

賈公嘉其志給燈油紙筆俊選為衛學生陳公福慶

奇之以女妻公弘治乙卯中鄉試高等已未進士拜

行人鈞陽公時在兵部與之語器之因數訪邊事或

奏行之三年授江西道監察御史巡按山西楊清激

濁風裁凜然陞山東按察司僉事尋謫真定推官值

賊官盜掠行旅人莫敢櫻公曰彼恃騎射爾吾民亦

能騎射顧吾無以教彼烏敢當吾衆於是懸金示賞

不數月過卒皆稱善射諸賊官多被捕獲乃不敢為

盜賊傳謫公開州判官百姓詰 嗣上書留公

皇帝允之乃免未幾復遷四川按察司僉事時蜀盜

蓋鄆方劇合四省兵馬勦之無効公之至笑曰將不

知兵奈何可勝於是擇精兵千人教之分爲四隊各

正長統之賊來逼城公夜出精騎百人舉砲擊賊

內潰我兵奮擊斬首四千餘級益用兵以來所絕無

者軍中皆喜公曰戰雖少勝賊心未寒胡足爲喜遂

乘勝過發遇賊大營賊列陣於左伏兵於右公以正

兵攻左親率精兵千騎擣伏伏兵驚潰自相蹂踐賊

擊死者不可勝計乃舉火焚柵明日追賊百餘里斬

獻徵錄 卷之六十 其首賊方四降者萬人餘黨咸遁公下令曰此後擅

殺人者抵命於是驅掠從賊者人人皆望生全矣總

制洪鍾巡撫林俊會舉陞川東道兵備副使及得麥

子山之捷賊避居川北有兵備副使張思齊與巡撫

高世廖麻子欲就招安求臨江市住劄必徙臨江市

武彼方肯降公曰臨江市蜀襟喉之地一遷軍叙下

其制實其地饒腴其民富庶徙民養寇將誰歸公

立賞傷兵獨務行勦賊因不敢掠川東而伏漢州平

蜀未幾又集衆至二十萬竟反前約官軍戰皆敗結

於是賊亦先破中

率精兵五千騎日夜追賊賊聞公至遂解中江之危

而成都無事矣尋 朝廷改命彭公澤總制公與彭

公合兵擊賊大破賊營斬其賊首廖麻子餘黨復立

喻老人遁入東鄉山中會科道交章劾高公薦公以

代遂巡撫四川公與彭公議曰東鄉山大不便騎射

某請步兵二萬人深入九真壩割營四面分布守

隘賊不能出亦不得傍寇窮而後招降彼必自縛其

魁至矣公至九真賊果縛喻老人等四十餘人赴軍

門給票以授降者令自歸鄉里蜀盜遂平彭公曰使

早用馬公蜀平久矣此凱旋有駱松祥與遂寧渠縣

獻徵錄 卷之六十 之寇未息各稱萬人皆觀望喻老人爲進止至內江

遣火牌入賊營諭利害除松祥等十數人外餘皆聽

撫松祥既擒與遂寧渠縣諸賊相繼捕獲伏誅奏

上升公右副都御史巡撫如故仍賞松祥子慶兒三

保爲奴乙亥冬虜亦不刺由西海至松潘張刺蜀民

震恐公與總兵官張傑謀招大信小信土番令爲鄉

導人軍夜抵虜營虜驚潰遁去獲馬三十餘匹及衣

物二十事捷 上加公俸一級遂州番攻城謂城故

乏小公指泉穴得泉揚以示番番人解去歲丙子高

公督號據險

公率兵搗其巢穴降者萬計惟青山寨不下公曰青山寨高而無泉我絕其水口不數日賊當困渴以死何復庸戰遣指揮何定據水口賊志果窘公曰賊今夜當遁可擊南方一而待之於是遣人入寨夷曰今變人殺爾寨首級換水喫數日不下無噍類矣寨相向人哭中夜果下寨走生擒萬餘人梟首悉獲捷上聖公有都御史蔭子夢鶴錦衣衛百戶時方以副都考滿公與其配及父祖已受三品誥命而蔭子夢鶴入監公曰功成身退天之道也累疏乞休不允歲已卯太監劉允奉勅取活佛案下三司措置銀百萬兩巡按御史唯唯而已公但厚與允往來累月略不及銀兩事允差人來議銀兩公曰此中絕有利害太監厚我我不忍置太監於水火之中而不謀也人還告允允異日見公曰公有愛允之言願有以教允也公屏去左右與允曰此行果公所願乎曰未也至彼果保其中途無虞乎曰未也今日百萬銀兩果公自得不以分近幸乎曰未也公今費百萬求佛不成朝廷究極所費能立舉百萬還官乎況此行活佛必不可致後患必不可免何以爲他人德克濟災之民張太虛聲以買實禍切爲公不取也允流涕願

狀徵錄

卷之六十

三

狀徵錄

狀徵錄

卷之六十

三

狀徵錄

謝明曰案下改百萬爲十萬三司驚喜不知事自何由公卒不言所以詔允者於人後巡按論允安靜先帝賜勅獎勵允愈益願爲好人地方不擾公之力也後以微事下詔獄今上即位特復其官公懇求致仕既得論旨遂定居長安因自號曰東溪居士明年於八百草堂夏以宅與兩兄又買田以益之凡送終之具咸與處之戊子以後姓上請得允休沐田里不求聞達公卿論薦累歲不乏朝廷將用公而公不起矣時嘉靖甲午四月也由生成化乙酉十一月享年七十